

Na osnovu člana 17. Zakona o igrama na sreću (Službene novine FBiH br. 48/ i 60/15), te člana 7. Pravilnika o sadržaju pravila, uslovima i načinu priređivanja nagradnih igara (Službene Novine F BiH br. 30/16, 63/19, 92/20, 12/22 i 67/23), te na osnovu Rješenja Federalnog ministarstva finansija br. UP-05-12-1-438/24 od 22.05.2024. godine, kompanija

Grey Worldwide doo Sarajevo, JIB: 4200831740004 sa sjedištem u ulici Bistrik br. 53., 71000 Sarajevo (u daljem tekstu: Organizator), u ime kompanije Sivo d.o.o. Beograd, JIB: 01817197851 sa sjedištem u ulici Bajе Pivljanina br. 39., 11000 Beograd (u daljem tekstu: Posrednik) a za račun Klijenta MARS OVERSEAS HOLDINGS doo Ljubljana – Republika Slovenija, predstavništvo u BiH, ul. Adema Buće 148, 71000 Sarajevo, matični broj 4202223360005, u svrhu promocije robne marke Snickers, dana 17.05.2024. godine donosi sljedeća :

„SNICKERS OWN GOAL 2024“ – PRAVILA PROMOTIVNOG DARIVANJA I KOMPLETNI USLOVI I ODREDBE

1. ORGANIZATOR I ZVANIČNA PRAVILA NAGRADNE IGRE

- 1.1. Ova pravila promotivnog darivanja, uslovi i odredbe („**Uslovi**“) regulišu vaše učešće u nagradnoj igri „Snickers Own Goal 2024“ („**Nagrada igra**“). Molimo vas da pažljivo pročitate ove uslove prije nego što se prijavite za učešće, jer se učešćem i označavanjem kvadratića smatra da ste prihvatili i složili se da ste obavezani ovim Uslovima i odredbama.
- 1.2. Organizator nagradne igre Grey Worldwide doo Sarajevo, JIB: 4200831740004 sa sjedištem u ulici Bistrik br. 53., 71000 Sarajevo u svrhu promocije brenda Snickers (u daljem tekstu: „**Organizator**“)
- 1.3. Organizator shvata zaštitu podataka veoma ozbiljno. Učešćem u ovoj Nagradnoj igri potvrđujete da ste pročitali Politiku privatnosti Klijenta na <https://www.mars.com/privacy-policy> i slažete se da se svi lični podaci koje dostavite kao dio ove Nagradne igre čuvaju i obrađuju u skladu sa ovom Politikom privatnosti.
- 1.4. Svi lični podaci koje dobitnik dostavi Organizatoru nagradne igre će biti tretirani u skladu sa Zakonom o zaštiti ličnih podataka FBiH i u skladu sa politikom privatnosti Klijenta nagradne igre, koja je dostupna na: <https://www.mars.com/privacy-policy>
- 1.5. Organizator zadržava pravo da u bilo kojem trenutku izmjeni ili dopuni Zvanična pravila, uz prethodnu suglasnost Federalnog ministarstva finansija, a promjene stupaju na snagu nakon njihovog javnog objavljivanja na <https://www.snickers.com/football/bs-ba>

2. PRAVO UČEŠĆA

- 2.1. Nagradna igra organizuje se na teritoriji Federacije Bosne i Hercegovine
- 2.2. Pravo učešća u Nagradnoj igri imaju sve osobe koje su državljani United Kingdom, Republic of Ireland, Germany, France, Netherlands, Austria, Belgium, Luxembourg, Switzerland, Denmark, Norway, Sweden, Finland, Czechia, Slovakia, Hungary, Romania, Spain, Serbia, Montenegro, Macedonia, Kosovo, Slovenia, Bosna i Hercegovina, Estonia, Latvia, Lithuania, Bulgaria, Israel, Kazakhstan, Uzbekistan, KSA, UAE, Kuwait, Oman, Bahrain, Qatar, South Africa, Botswana, Angola, Namibia (u daljem tekstu: „**Države**“), osim zaposlenih u kompaniji Organizatora i Klijenta, te članova njihovih užih porodica, povezanih agenata ili bilo kojih drugih osoba profesionalno povezanih sa Nagradnom igrom.
- 2.3. U nagradnoj igri mogu učestvovati sve osobe starije od 18 godina koje su nastanjene/imaju stalno mjesto boravka na teritoriji FBiH, koji prihvataju odredbe i uslove ovih Pravila (u daljem tekstu Učesnici).
- 2.4. Pristup internetu i registracija su obavezni.
- 2.5. Višestruke registracije, učesnici koji koriste više adresa, e-mail adresa, brojeva ili unose podatke preko agenata, trećih strana, organizovanih grupa, sindikata ili pseudonima, ili automatske kompjuterski-generisane registracije neće biti prihvaćene. Registracije primljene na bilo koji drugi način osim kako je navedeno u ovim Uslovima neće biti prihvaćene. Svaka osoba koja uporno pokušava da zaobiđe proces registracije će biti trenutno diskvalifikovana. Neće biti prihvaćene nepotpune, netačne ili višestruke registracije iste osobe koje prelaze dnevni limit. Registraciju mora izvršiti direktno osoba koja učestvuje u Nagradnoj igri. U Nagradnoj igri mogu učestvovati samo stvarne važeće registracije.

3. PERIOD TRAJANJA NAGRADNE IGRE

- 3.1. Na teritoriji Federacije Bosne i Hercegovine Nagradna igra će trajati od 00:00:01 sati 01.06.2024. godine do 23:59:59 sati 31.07.2024. godine (u daljem tekstu: „**Period trajanja Nagradne igre**“).
- 3.2. Registracije napravljene izvan ovih datuma Nagradne igre će biti nevažeće i neće biti uključene u Nagradnu igru.

4. USLOVI UČEŠĆA

- 4.1. Da bi dobio priliku za pobjedu, Učesnik treba skenirati QR kod na reklamnom materijalu koji će da bude postavljen na prodajnim mjestima gdje se inače proizvod SNICKERS prodaje na kojem je predstavljena Nagradna igra ili posjetiti <https://www.snickers.com/football/bs-ba>. Potrebno je popuniti formular za online registraciju unošenjem punog imena, adrese e-mail adrese, broja mobilnog telefona, zemlje prebivališta i odabrati igrača.
- 4.2. Učešće u Nagradnoj igri nije povezano sa kupovinom proizvoda.
- 4.3. Prihvata se samo jedna prijava po Učesniku po danu. Maksimalno 10 prijava po Učesniku može biti podneseno tokom perioda trajanja Nagradne igre.

5. NAGRADE

- 5.1. Nagrade koje se mogu osvojiti su dostupne svim državljanima Država koji su učestvovali u Nagradnoj igri u skladu s pravilima navedenim u ovim Uslovima („**Nagrada**“).
 - 5.2. Ukupan broj nagrada za sve dobitnike iz država iz člana 2.2. su: 4 nagrade upoznavanje i sesija sa Bukayo Sakom i 4 nagrade upoznavanje i sesija sa Lukom Modrićem su u ponudi („**Sesije**“). Ukupna vrijednost nagradnog fonda iznosi 68.328,00 KM (8 sesija X 8.541,00 KM)
- Sesije i upoznavanje će se održati u periodu od 1. oktobra 2024. godine do 12. aprila 2025. godine, na lokaciji u Europi koja će biti naznačena pobjednicima kada bude organizovana dodjela nagrada, u skladu sa rasporedom Bukayo Sake ili Luke Modrića. Datum i lokacija će varirati u zavisnosti od toga da li se sesija organizuje sa Bukayo Sakom ili Lukom Modrićem. Dobitnik nagrade može povesti

jednog gosta sa sobom, a odgovornost dobitnika je da bude na raspolaganju da oputuje na dodjelu nagrade na navedeni datum. Neće biti ponuđene nikakve alternative. Dobitnik mora sa Organizatorom podijeliti svoje podatke i podatke o odabranom gostu, najkasnije 10 dana od dana obavijesti o osvojenoj nagradi.

5.3.Svaka sesija i upoznavanje su u vrijednosti od 7.300,00 KM + PDV (paket za dvije odrasle osobe 8.541,00 KM s PDV-om) uključuje:

- 20 minuta uživo igranje 1 na 1 i upoznavanje sa Bukayo Sakom ili Lukom Modrićem za dobitnika (dobitnik može odlučiti da li želi podijeliti ovu mogućnost sa svojim gostom).
- Povratne avionske karte u ekonomskoj klasi za dvoje (uključujući sve primjenjive aerodromske takse, naknade i dažbine), od odabranih velikih međunarodnih aerodroma u matičnoj zemlji dobitnika samo do odabrane europske destinacije. Letovi mogu biti indirektni i neće biti dostupne sve rute. Plan putovanja će odrediti Priređivač po vlastitom nahođenju.
- Hotelski smještaj za dva noćenja na odabranoj europskoj destinaciji, za dvije odrasle osobe koje će dijeliti jednu dvokrevetnu sobu sa doručkom. Hotel će odabrati Priređivač po vlastitom nahođenju, ali će imati najmanje 3 zvjezdice.
- Transferi od aerodroma i hotela do događaja u europskoj destinaciji koju je odabrao dobitnik.
- Dnevnice. Dobitnik će dobiti potrošačku karticu ASA Banke sa određenim novčanim iznosom, koji uključuje i putne troškove, do/od mjesta polaska dobitnika, u iznosu od 114,00 KM po osobi ili ukupno 228,00 KM za dvije osobe.
- Potrošačka kartica ASA banke može se koristiti u inostranstvu samo prilikom kupovine proizvoda i usluga.
- Potrošačke kartice ASA banke ni u kojem slučaju se NE može koristiti kao bankovna kartica, odnosno kao zamjena za novac. Nije dozvoljeno ni podizanje novca na bankomatima niti na šalterima banaka
- Dobitnik će dobiti potrošačku karticu ASA Banke sa određenim novčanim iznosom, u koji će biti uključena i naknada za ručak u ukupnom iznosu od 182,66 KM. Potrošačka kartica ASA banke može se koristiti u inostranstvu. Sa potrošačke kartice ASA banke se ne može podići gotovina.
- Dobitnik će dobiti potrošačku karticu ASA Banke sa određenim novčanim iznosom, u koji će biti uključena i naknada za večeru u ukupnom iznosu od 365,32 KM. Potrošačka kartica ASA banke može se koristiti u inostranstvu. Sa potrošačke kartice ASA banke se ne može podići gotovina.
- Dobitniku i njegovom odabranom pratiocu će biti pokriveno putno osiguranje, do maksimalne vrijednosti od 114,00 KM po osobi ili za dvije osobe 228,00 KM (uključuje i paket za dvije odrasle osobe). Putno osiguranje podliježe ograničenjima i uslovima osiguravajuće kuće. Obezbijedeno putno osiguranje je osnovna polisa za jedno putovanje i odgovornost je dobitnika i/ili njegovog pratioca da podmire sve dodatne troškove koji se mogu pojaviti ako dobitnik i/ili njegov pratilac imaju 70 ili više godina, nivoi pokrivenosti osiguranja će varirati i odgovornost je dobitnika i pratioca da osiguraju da je nivo pokrivenosti osiguranja koji se nudi odgovarajuće za njihove specifične okolnosti. Putno osiguranje moraju rezervirati dobitnik i gost nakon potvrde rezervacije leta. Za eventualnu isplatu osiguranja će biti potreban dokaz o polisi osiguranja.
- Kompletna administrativna podrška dobitniku od strane Organizatora: Uključujući prijevod korespondencije za dobitnika i putne dokumentacije gdje je to potrebno.

Ukupna tržišna vrijednost nagradnog fonda (svih osam sesija i upoznavanja) iznosi 68.328,00 KM.plus PDV.

5.4. Svaka sesija ne uključuje troškove osim onih koji su posebno navedeni iznad, uključujući:

- Bilo koji nepredviđeni ili lični trošak koji ima dobitnik i njegov/njen gost.
- Ekskurzije i aktivnosti osim sesije i upoznavanja.
- Prijevoz, piće i hrana osim onih navedenih iznad.

5.5.Nagrada se mora preuzeti u skladu sa vladinim smjernicama i COVID-19 pravilima i ograničenjima koja su na snazi u vrijeme putovanja, a aranžman i dodatni troškovi za svako testiranje na COVID-19, smještaj u karantinu ili bilo šta drugo što može biti potrebno je isključiva odgovornost dobitnika i gosta.

5.6.Dobitnik i gost moraju:

- Putovati u isto vrijeme sa istim planom puta.
- Najmanje jedna osoba koja putuje mora biti starija od 18 godina. Ako je putnik mlađi od 18 godina, mora imati prethodnu dozvolu roditelja ili staratelja.
- Posjedovati pasoš koji važi najmanje 6 mjeseci od datuma putovanja.
- Ako je potrebno, pribaviti sve potrebne vize i dodatno osiguranje.
- Posjedovati važeću kreditnu ili debitnu karticu za potrebe depozita prilikom prijave u hotelski smještaj.
- Nakon rezervacije, nagradni smještaj se ne može mijenjati niti otkazati.

5.7.Dobitnik će u okviru vrijednosti nagradnog fonda dobiti i potrošačku karticu ASA Banke sa određenim iznosom novca koji će se koristiti za:

1. putne troškove, do/od mjesta polaska dobitnika
2. naknade za ručak
3. naknade za večeru

Potrošačka kartica ASA banke može se koristiti u inostranstvu uz napomenu da sa potrošačke kartice ASA banke se NE MOŽE podići gotovina.

6. INFORMACIJE O NAGRADI

6.1.Nagrade se ne mogu prenijeti na drugu osobu i ne smiju se prodavati, nuditi na licitaciji ili oglašavati za prodaju bilo na internetu, u novinama ili drugdje. Nijedna novčana alternativa ili druge alternativne nagrade neće biti dostupne u cijelosti ili djelimično, osim u slučaju okolnosti koje su van razumne kontrole Organizatora, pri čemu Organizator zadržava pravo da nagrade zamijeni nagradama jednake ili veće vrijednosti. Nagrade će biti dodijeljene isključivo direktno pobjednicima.

6.2.U slučaju okolnosti koje su van razumne kontrole Organizatora, ili na drugi način kada prevara, zloupotreba i/ili greška (ljudska ili kompjuterska) utiče ili bi mogla uticati na pravilno provođenje ove Nagradne igre ili na dodjelu nagrade, Organizator zadržava pravo da obustavi Nagradnu igru, u bilo kojoj fazi, bez odgovornosti, uz prethodnu saglasnost Federalnog ministarstva finansija.

7. IZVLAČENJE DOBITNIKA I OBAVJEŠTENJE

7.1.Nakon završetka perioda Nagradne igre u svim državama, a najkasnije do 18.08.2024. godine, sve važeće registracije će biti

objedinjene za izvlačenje nagrada. Izvlačenje nagrada bit će obavljeno 28.08.2024 u 12h u Mars Hrvatska d.o.o. Pile I. 110000 Zagreb, Hrvatska

Pobjednici će biti odabrani nasumično iz svih registracija iz svih država, korištenjem automatizovanog kompjuterskog programa. Pobjednici mogu biti iz bilo koje države, ne nužno iz Bosne i Hercegovine. Ukupno 4 dobitnika će biti izvučena za sesiju i upoznavanje sa Bukayo Sakom, a 4 dobitnika će biti izvučena za sesiju i upoznavanje sa Lukom Modrićem. Na istom izvlačenju će biti izvučena 4 rezervna dobitnika za sesiju i upoznavanje sa Bukayo Sakom, te 4 rezervna dobitnika za sesiju i upoznavanje sa Lukom Modrićem. Učesnici će biti uključeni u odgovarajuće izvlačenje za nagradnu igru u skladu sa igračem kojeg su odabrali prilikom registracije. Odmah nakon odabira dobitnika, Organizator će objaviti nazive država, inicijale imena Dobitnika i broj dobitnika iz svake države na web stranici <https://www.snickers.com/football/bs-ba> na 06.09.2024. Lični podaci dobitnika (puna imena dobitnika, e-mail adrese, brojevi mobilnih telefona, poštanske adrese) neće biti javno objavljeni.

Javno izvlačenje će nadgledati tročlana komisija, imenovana posebnom odlukom od strane organizatora, koja će sastaviti Zapisnik o procesu odabira dobitnika u skladu sa članom 12. Pravilnika o sadržaju pravila, uslovima i načinu priređivanja nagradnih igara.

7.2. Svaki Učesnik može osvojiti samo jednu nagradu.

7.3. Dobitnici će biti obaviješteni do 05.09.2024. godine od strane Organizatora, prvo putem e-maila koji je naveden prilikom registracije za Nagradnu igru, nakon čega slijedi poziv na broj mobilnog telefona koji je naveden prilikom registracije, radi organizacije dodjele nagrade.

Organizator je dužan najkasnije u roku od 8 dana od dana izvlačenja, obavijestiti dobitnike o osvojenim nagradama. Ukoliko zbog okolnosti za koje nije kriv Organizator ne uspije stupiti u kontakt sa prvim izvučenim dobitnikom (ili putem e-maila ili putem poziva), ili se čak utvrdi da ne ispunjava uslove za nagradu iz člana 2. ovih Pravila ili na bilo koji način krši odredbe ovih Pravila, Organizator će pozvati rezervnog dobitnika. Organizator će sa dobitnikom dogovoriti način preuzimanja nagrade. Ako dobitnik u roku od 30 dana od dana prijema obavijesti o osvojenoj nagradi, ne preuzme osvojenju nagradu, gubi pravo na nagradu, a Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara

8. POREZI I NAKNADE

8.1. Nagrade iz ove Nagradne igre imaju jediničnu vrijednost preko 1.000,00 KM i podložne su poreznoj obavezi koji mora prijaviti, zadržati i uplatiti Organizator Nagradne igre, u slučaju da se izvuče dobitnik iz Bosne i Hercegovine.

8.2. Ukoliko je izvučen dobitnik iz Bosne i Hercegovine, u cilju ispunjenja člana 8.1 ovih Uslova, Učesnik koji je osvojio nagradu dužan je Organizatoru dostaviti potrebne podatke za prijavu i plaćanje poreza, u skladu sa Zakonom o porezu na dohodak FBiH. Ukoliko dobitnik odbije dati tražene podatke, gubi pravo na primanje nagrade i nagrada se dodjeljuje rezervnom dobitniku po redoslijedu izvlačenja rezervnih dobitnika.

8.3. Organizator se obavezuje da će prijaviti i platiti porez na dohodak po Zakonu o porezu na dohodak u ime Učesnika koji je osvojio nagradu.

9. OBRADA LIČNIH PODATAKA

9.1. Klijent prikuplja i obrađuje lične podatke u skladu sa svojom Politikom privatnosti koja je dostupna na <https://www.mars.com/privacy-policy>. Obrada ličnih podataka Učesnika neophodna je Klijentu za nagradnu igru, koji je odgovoran za obradu u okviru organizacije Nagradne igre i radi obavještanja dobitnika o rezultatima i organizaciji dodjele njihove nagrade, u skladu sa ovim Uslovima i odredbama

Ovi podaci se neće dijeliti ni sa jednom trećom stranom, osim sa Organizatorom (samo podatke ukoliko je dobitnik iz FBiH) i njegovim podgovaračima koji djeluju u njegovo ime u svrhu cjelokupne ili djelimične obrade ličnih podataka Učesnika kako bi se ispunili uslovi ove Nagradne igre. Podaci se mogu obraditi u marketinške svrhe ako su Učesnici dali svoj pristanak za to prilikom registracije.

9.2. Podaci o Učesnicima koji nisu izvučeni kao pobjednici će se čuvati za vrijeme trajanja Nagradne igre, a zatim će biti izbrisani. Podaci o dobitnicima će se čuvati 30 dana od dodjele njihovih nagrada. Podaci učesnika koji su dali pristanak za marketing će se čuvati sve dok Učesnici ne povuku svoju saglasnost u skladu sa važećim zakonima o zaštiti podataka u relevantnoj Državi.

9.3. Učesnici u Nagradnoj igri mogu ostvariti svoja prava na privatnost u vezi sa dostavljenim ličnim podacima tako što će Klijenta putem kontakt podataka navedenih u njegovoj Politici privatnosti. Osobe koje ostvaruju svoje pravo na brisanje, prijenos, prigovor ili ograničavanje obrade svojih ličnih podataka prije završetka Nagradne igre neće moći učestvovati u Nagradnoj igri.

9.4. Učesnici imaju pravo da ulože žalbu nadzornom tijelu za zaštitu podataka koje se nalazi u njihovoj matičnoj Državi, a u slučaju Bosne i Hercegovine Agenciji za zaštitu ličnih podataka BiH.

9.5. Spisak dobitnika (samo skraćena imena i država prebivališta) dostupna je na zahtjev. Ako postoji potreba, pošaljite svoj zahtjev na adresu: inform@effem.com u roku od 3 mjeseca od datuma završetka Nagradne igre. Ukoliko se dobitnik protivi tome da se njegovi podaci stave na raspolaganje, potrebno je da kontaktira Klijenta putem e-maila na info@effem.com. Klijent ipak može dostaviti informacije regulatornim tijelima ako se to traži zakonom.

9.6. Uz pristanak dobitnika, oni mogu učestvovati u javnim promotivnim događajima vezanim za ovu Nagradnu igru bez dodatne naknade.

9.7. Vežano za Opštu uredbu o zaštiti podataka (GDPR), „Lime Communications Ltd“ će obrađivati podatke o pobjednicima, kao i Element London Ltd., <https://wearelime.co.uk/our-privacy-policy/> <https://element-london.com/element-london-privacy-policy-travel-english/>.

te učesnici daju svoju saglasnost da će Priređivač prikupljati, obrađivati i evidentirati njihove lične podatke navedene u prijavi u skladu sa Zakonom o zaštiti ličnih podataka BiH („Sl. glasnik BiH“, br.49/2006, 76/2011 i 89/2011.) i to isključivo u svrhu provođenja nagradne igre i dostave nagrada utvrđene ovim Pravilima. U skladu sa Zakonom, sudionicima u nagradnoj igri su zagarantovana prava na pregled, kopiranje, ažuriranje, popravak, blokiranje i brisanje ličnih podataka koji se na njih i odnose.

Nakon isporuke nagrada, lični podaci utvrđeni ovim Pravilima se brišu.

10. ODGOVORNOST

10.1. Učešće u Nagradnoj igri putem Interneta podrazumijeva poznavanje i prihvatanje karakteristika i ograničenja interneta, posebno u

pogledu tehničkih performansi i vremena odgovora za konsultacije, upite ili prenošenje informacija. Nedostatak zaštite određenih podataka od mogućeg prisvajanja i opasnosti od zaraze bilo kakvim virusima koji kruže mrežom ne mogu ni pod kojim okolnostima biti odgovornost Organizatora i Klijenta.

10.2. Organizator i Klijent se neće smatrati odgovornim u slučaju prekida Internet komunikacije ili promjene učešća (mrežna komunikacija, prekid rada mreže) i, generalno, za bilo kakav kvar na internet mreži nad kojim Organizator i Klijent nemaju kontrolu.

10.3. Organizator se neće smatrati odgovornim u slučaju da ne bude u mogućnosti kontaktirati dobitnika zbog toga što je dao netačne podatke [e-mail/broj mobilnog telefona] prilikom registracije prijave.

10.4. Rezultati izvlačenja su konačni. Na rezultate nije moguće uložiti žalbu. Ako su dobitnici nagrade naveli nepotpune ili netačne podatke ili/i ne može ih se obavijestiti i/ili se utvrdi da nisu ispunili sve uvjete za sudjelovanje u nagradnoj igri, Organizator i Klijent zadržavaju pravo ne dodijeliti nagradu istima.

10.5. Organizator i Klijent nagradne igre ne preuzimaju odgovornost za eventualnu štetu za koju nije direktni krivac, nastalu u vezi sa učešćem u nagradnoj igri, odnosno preuzimanjem i korištenjem nagrada.

10.5. Dobitnici potvrđuju i prihvataju da se putovanje obavlja na njihovu isključivu odgovornost. Organizator i Klijent zadržavaju pravo da zatraže pismeno oslobađanje od odgovornosti. Dobitnici također garantuju da će posjedovati važeći pasoš ili bilo koji drugi dokument potreban za putovanje (na primjer: vizu, itd.). Organizator i Klijent se ni pod kojim okolnostima neće smatrati odgovornim ako dobitnici ne budu u mogućnosti putovati jer nemaju važeći pasoš ili bilo koji drugi dokument potreban za njihovo putovanje. Generalno, Organizator i Klijent nisu odgovorni u slučaju poteškoća bilo koje prirode u vezi sa uslugama koje se pružaju u sklopu putovanja, a sve eventualne reklamacije moraju biti upućene Klijentu.

10.6. Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

10.7. Organizator preuzima odgovornost da pravovremeno i tačno informiše učesnika u nagradnoj igri o njegovim pravima i obavezama kod preuzimanja nagrada.

11. OPŠTE INFORMACIJE

11.1. Ako se utvrdi da je bilo koja klauzula ovih Uslova i odredbi nezakonita, nevažeća ili na drugi način neprovođiva, tada će se smatrati da je izbrisana iz ovih Uslova i odredbi. Preostale klauzule ostaju nepromijenjene i ostaju na punoj snazi.

11.2. Svi eventualni sporovi koji nastanu između Organizatora, Klijenta i Učesnika po bilo kojem pitanju će se rješavati sporazumno, a u slučaju nemogućnosti sporazumnog rješavanja spora, takav spor će rješavati nadležni sud u Sarajevu, u Bosni i Hercegovini u skladu sa primjenjivim zakonodavstvom Bosne i Hercegovine.

Na ove Uslove i odredbe se primjenjuje važeće zakonodavstvo Bosne i Hercegovine.

12. PREKID NAGRADNE IGRE

12.1. Organizator ima neopozivo pravo da u bilo kojem trenutku prekine Nagradnu igru, u slučaju da utvrdi zloupotrebu ili masovno kršenje pravila, u slučaju više sile ili iz drugih objektivnih razloga. U slučaju prijevremenog prekida Nagradne igre u skladu sa ovim Pravilima i uz saglasnost Federalnog ministarstva finansija, Učesnici nemaju pravo na bilo kakvu naknadu.

12.2. Učesnici će bit upoznati sa Pravilima nagredne igre posredstvom web <https://www.snickers.com/football/bs-ba>, te objavom u dnevnom listu dostupnim na teritoriji FBiH, najmanje 7 dana prije početka nagradne igre.

12.3. Za potrebe ovih Pravila, višom silom smatra se svaki događaj koji Organizator ne može kontrolisati, otkloniti ili predvidjeti, a zbog čijeg nastupanja Organizator ne može ispuniti svoje obaveze u skladu sa ovim Pravilima. Takvi događaji podrazumijevaju, bez ograničenja, epidemije, ratove, požare, poplave, štrajkove i blokade, zemljotrese i druge katastrofe bilo koje vrste, te svaku zakonsku odredbu koja može zabraniti ili izmijeniti odredbe Pravila.

12.4. Ova Pravila se primjenjuju po dobivanju saglasnosti nadležnog ministarstva.